

Å Betlehem, du vesle by

Å Betlehem, du vesle by, me ser deg kvila der.
Og over deg så stille dreg den store stjernehær.
Men i dei mørke gatene eit æve-lys skin ned.
:/ Til deg no går dei tusen år
sin lengsel etter fred :/:

For denne natt ein frelsar stor vart fødd, og englar kvad
Mens verda sov, dei song Guds lov, og himmelen var glad.
Å, morgonstjerner i tusental forkynn at han er fødd !
:/: Du stjernekor, pris kongen stor !
Og fred på jorda mødd :/:

Kor stilt, kor stilt vår Herre gav den julegåva god.
Slik himmelen gjev jorda enn si rike signings-flod.
Me merkar ikkje hans kome her, men til kvar open sjel
:/: stig Jesus inn med nåden sin
og gjer ein syndar sæl :/:

Å, kongebarn frå Betlehem, inn i vårt hjarta drag.
Me audmjukt bed: Stig til oss ned, vert fødd i oss i dag.
Me høyrer englesongen som det glade bod fortel.
:/: Å, kom til oss, å, ver hos oss,
Guds Son, Immanuel :/:

"O Little Town of Bethlehem"
Norsk tekst: Trygve Bjerkreim
Melodi: Evert Taube (Sunnanøvalsens)